



Broj: 01-16-12-1146- 10 /23
Banja Luka, 08.06. 2023. godine

Na osnovu člana 7. stav 1. Zakona o sistemu indirektnog oporezivanja u Bosni i Hercegovini („Službeni glasnik BiH“, broj: 44/03, 52/04, 34/07, 4/08, 49/09, 32/13, 91/17), člana 25. Zakona o Upravi za indirektno oporezivanje BiH („Službeni glasnik BiH“ broj: 89/05), člana 64. stav (1) tačka a), člana 70. stav (3) Zakona o javnim nabavkama („Službeni glasnik BiH“ broj: 39/14 i 59/22), Direktor Uprave za indirektno oporezivanje, d o n o s i

O D L U K U

o izboru najpovoljnijeg ponuđača u otvorenom postupku prikupljanja ponuda za vršenje usluga redovnog godišnjeg pregleda, ispitivanja tačnosti, kalibracije i verifikacije elektronskih kolskih vaga Uprave za indirektno oporezivanje, servisiranja i održavanje istih, kao i servisiranja i održavanja carinskog vagarskog programa Uprave za indirektno oporezivanje

I

Najpovoljnijom ponudom u otvorenom postupku prikupljanja ponuda za vršenje usluga redovnog godišnjeg pregleda, ispitivanja tačnosti, kalibracije i verifikacije elektronskih kolskih vaga Uprave za indirektno oporezivanje, servisiranja i održavanje istih, kao i servisiranja i održavanja carinskog vagarskog programa Uprave za indirektno oporezivanje, ocjenjuje se ponuda ponuđača **“VAGA-SERVIS” d.o.o. Laktaši, Mrčevci bb, 78250 Laktaši**, sa kojim će se zaključiti Okvirni sporazum do procijenjene vrijednosti nabavke koja iznosi **230.000,00 KM bez PDV-a**, odnosno **269.100,00 KM sa PDV-om**.

II

Izabrani ponuđač **“VAGA-SERVIS” d.o.o. Laktaši, Mrčevci bb**, dužan je dostaviti original ili ovjerene kopije dokaza iz tačke 7.1.3. Tenderske dokumentacije kojim se dokazuje ispunjenost uslova iz člana 45. Zakona o javnim nabavkama, na način i u roku kako je to propisano Tenderskom dokumentacijom.

III

Po okončanju roka za žalbu, Ugovorni organ će sa izabranim ponuđačem zaključiti okvirni sporazum kojim će se regulisati međusobna prava i obaveze.

O b r a z l o ž e n j e

Odlukom direktora, broj: 01-16-12-1146/23 od 12.04.2023.godine i Odlukom o izmjeni odluke, broj: 01-16-12-1146-1/23 od 26.04.2023.godine, odobreno je provođenje otvorenog postupka za prikupljanje ponuda za vršenje usluga redovnog godišnjeg pregleda, ispitivanja tačnosti, kalibracije i verifikacije elektronskih kolskih vaga Uprave za indirektno oporezivanje, servisiranja i održavanja istih, kao i servisiranja i održavanja carinskog vagarskog programa Uprave za indirektno oporezivanje.

Ukupna procijenjena vrijednost nabavke (okvirni sporazum na dvije godine) iznosi 230.000,00 KM bez PDV-a, od čega na godišnjem nivou 115.000,00 KM bez PDV-a.

Sredstva za javnu nabavku su osigurana u Budžetu/Finansijskom planu Ugovornog organa na poziciji 613722.

Slijedom navedene Odluke, dana 10.05.2023.godine izvršeno je objavljivanje Obavještenja o nabavci broj: 743-1-2-55-3-66/23.

Zajedno sa objavljivanjem Obavještenja o nabavci na Portalu javnih nabavki, izvršeno je i objavljivanje na WEB sajtu Ugovornog organa – UIO, a nakon toga i u “Službenom Glasniku BiH”.

Dana 31.05.2023.godine u 12.15h, u prostorijama Uprave za indirektno oporezivanje, Banja Luka, Ulica Bana Lazarevića bb, Komisija je pristupila javnom otvaranju blagovremeno pristiglih ponuda.

Na osnovu Izvještaja o preuzimanju Tenderske dokumentacije od strane ponuđača, utvrđeno je da je Tendersku dokumentaciju za vršenje usluga redovnog godišnjeg pregleda, ispitivanja tačnosti, kalibracije i verifikacije elektronskih kolskih vaga Uprave za indirektno oporezivanje, servisiranja i održavanja istih, kao i servisiranja i održavanja carinskog vagarskog programa Uprave za indirektno oporezivanje broj: 01-16-12-1146-2/23 od 10.05.2023.godine, preuzelo 8 ponuđača.

U Zapisniku o otvaranju ponuda broj: 02-16-12-1146-8/23 od 31.05.2023. godine, Komisija je konstatovala da su blagovremeno dostavljene dvije ponude, i to ponude ponuđača:

- „**LOTRIČ CONTROL**” d.o.o. Mostar, Slobodna zona Hercegovina, Rodoč bb, 88 000 Mostar,
- “**VAGA-SERVIS**” d.o.o. Laktaši, Mrčevci bb, 78250 Laktaši,

te da su isti u svojim ponudama iskazali cijenu i rok garancije za izvršene usluge kako slijedi:

NAZIV PONUĐAČA	PODKRITERIJUMI KOJI SE VREDNUJU UNUTAR KRITERIJUMA EKONOMSKI NAJPOVOLJNIJE PONUDE	PONUĐENI POPUST
„ LOTRIČ CONTROL ” d.o.o. Mostar, Slobodna zona Hercegovina, Rodoč bb, 88 000 Mostar	Cijena: 229.944,00 KM bez PDV-a, 269.034,48 KM sa PDV-om, Garancija za izvršene usluge: 12 mjeseci	NEMA
“ VAGA-SERVIS ” d.o.o. Laktaši, Mrčevci bb, 78250 Laktaši	Cijena: 55.860,00 KM bez PDV-a, 65.356,20 KM sa PDV-om, Garancija za izvršene usluge: 25 mjeseci	NEMA

Komisija je na zatvorenoj sjednici pristupila postupku preispitivanja dostavljenih ponuda u smislu kvalifikovanosti istih, shodno uslovima propisanim u Tenderskoj dokumentaciji za vršenje usluga redovnog godišnjeg pregleda, ispitivanja tačnosti, kalibracije i verifikacije elektronskih kolskih vaga Uprave za indirektno oporezivanje, servisiranja i održavanje istih, kao i servisiranja i održavanja carinskog vagarskog programa Uprave za indirektno oporezivanje broj: 01-16-12-1146-2/23 od 10.05.2023.godine, te je nakon izvršenog uvida u dostavljene ponude, utvrdila da:

- Ponuda ponuđača „**LOTRIČ CONTROL**” d.o.o. Mostar, Slobodna zona Hercegovina, Rodoč bb, ne ispunjava sve zahtjeve Ugovornog organa definisane tenderskom dokumentacijom, te je ista ocijenjena kao neprihvatljiva.

Naime, tačkom 7.4.2. a) Tenderske dokumentacije, u vezi tehničke i profesionalne sposobnosti ponuđača, a u svrhu kvalifikacije, ponuđači su, između ostalog, trebali ispuniti sljedeći uslov:

- *Da su u periodu posljednje dvije godine računajući od dana objave obavještenja o nabavci uredno izvršili najmanje jedan ugovor na poslovima servisiranja i verifikacije (baždarenja) elektronskih kolskih vaga, čija vrijednost iznosi minimalno 60.000,00 KM bez PDV-a.*

Nadalje, tačkom 7.4.2. b) Tenderske dokumentacije, propisano je da će se ocjena tehničke i profesionalne sposobnosti ponuđača prethodno navedenog uslova izvršiti na temelju slijedećih dokumenata:

- *Spiska izvršenih ugovora na poslovima servisiranja i verifikacije (baždarenja) elektronskih kolskih vaga u periodu od posljednje dvije godine računajući od dana objave obavještenja o nabavci iz kojeg je vidljivo da su ponuđači uredno izvršili najmanje jedan ugovor na poslovima servisiranja i verifikacije (baždarenja) elektronskih kolskih vaga čija vrijednost iznosi minimalno 60.000,00 KM bez PDV-a.*

Vrijednost realizovanih ugovora u posljednje dvije godine se ne može sabirati, što znači da je ponuđač u posljednje dvije godine računajući od dana podnošenja ponude morao realizovati jedan ugovor vrijednosti minimalno 60.000,00 KM bez PDV-a.

Uz spisak izvršenih ugovora ponuđači su dužni dostaviti i potvrde o uredno izvršenim ugovorima koje daje druga ugovorna strana o njihovoj realizaciji, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede.

U postupku evaluacije ponude ponuđača „**LOTRIČ CONTROL**” d.o.o. Mostar, utvrđeno je da je ponuđač dostavio potvrdu izdatu od poduzeća „**FERRO-KEŠ**” d.o.o. Mostar, Rodoč bb, Slobodna Zona Hercegovina, broj: 225/23 od 30.05.2023.godine.

Uvidom u pomenutu potvrdu nesporno je utvrđeno da firma „**FERRO-KEŠ**” d.o.o. Mostar potvrđuje da je „*poduzeće 'ZIK' d.o.o. Mostar ugovorene poslove realiziralo u roku, uspješno, kvalitetno i sukladno važećim standardima i pravilima struke*”.

Obzirom da poduzeće „**ZIK**” d.o.o. Mostar nije ponuđač u predmetnom postupku javne nabavke, nesporno proizilazi da ponuđač „**LOTRIČ CONTROL**” d.o.o. Mostar nije dokazao uspješnu realizaciju ugovora, kako je propisano tenderskom dokumentacijom, te je slijedom navedenog ponuda ponuđača „**LOTRIČ CONTROL**” d.o.o. Mostar, Slobodna zona Hercegovina, Rodoč bb, ocijenjena kao neprihvatljiva.

- Ponuda ponuđača „**VAGA-SERVIS**” d.o.o. Laktaši, Mrčevci bb, 78250 Laktaši, ispunjava sve zahtjeve Ugovornog organa definisane predmetnom tenderskom dokumentacijom, te je ista ocijenjena kao formalno-pravno i tehnički prihvatljiva i može biti predmet daljeg vrednovanja.

Tačkom 9.1. Tenderske dokumentacije propisano je da se u skladu sa članom 64. Zakona o javnim nabavkama ugovor dodjeljuje ponuđaču koji je ponudio ekonomski najpovoljniju ponudu, u skladu sa kriterijem cijena – 90% i garancija za izvršene usluge – 10%.

Slijedom navedenog, a imajući u vidu da je tačkom 6.3. Tenderske dokumentacije propisano da količine date po stavkama u tehničkoj specifikaciji predstavljaju okvirne vrijednosti, te da se u zavisnosti od stvarnog stanja na terenu i potreba Naručioca usluga, usluge količinski po stavkama izvoditi prema zahtjevima Naručioca usluga po jediničnim cijenama datim u tabeli finansijskog dijela ponude prvorangiranog ponuđača, kao i da se ukupna ponuđena cijena iz ponude koristi u svrhu vrednovanja pristiglih ponuda i odabira najpovoljnije/prvorangirane ponude, a da je ponuđač "VAGA-SERVIS" d.o.o. Laktaši, Mrčevci bb, 78250 Laktaši, dostavio tehnički zadovoljavajuću ponudu, to Komisija je dala preporuku direktoru UIO da se u otvorenom postupku za prikupljanja ponuda za vršenje usluga redovnog godišnjeg pregleda, ispitivanja tačnosti, kalibracije i verifikacije elektronskih kolskih vaga Uprave za indirektno oporezivanje, servisiranja i održavanje istih, kao i servisiranja i održavanja carinskog vagarskog programa Uprave za indirektno oporezivanje, izvrši izbor najpovoljnijeg ponuđača, te da se najpovoljnijom ponudom ocijeni ponuda ponuđača "VAGA-SERVIS" d.o.o. Laktaši, Mrčevci bb, 78250 Laktaši, te da se sa navedenim ponuđačem zaključi Okvirni sporazum do procijenjene vrijednosti nabavke koja iznosi 230.000,00 KM bez PDV-a.

NAPOMENA: Izabrani ponuđač "VAGA-SERVIS" d.o.o. Laktaši, Mrčevci bb, dužan je dostaviti original ili ovjerene kopije dokaza iz tačke 7.1.3. Tenderske dokumentacije kojim se dokazuje ispunjenost uslova iz člana 45. Zakona o javnim nabavkama, na način i u roku kako je to propisano Tenderskom dokumentacijom.

Prihvatajući prijedlog Komisije, odlučeno je kao u dispozitivu ove odluke.

POUKA O PRAVNOM LIJEKU:

Ponuđač koji smatra da je Ugovorni organ u toku postupka izvršio povrede odredbi Zakona o javnim nabavkama ima pravo uložiti žalbu.

Žalba se izjavljuje Kancelariji za razmatranje žalbi putem Uprave za indirektno oporezivanje, ulica Bana Lazarevića bb Banja Luka, u pisanoj formi, u tri primjerka, u roku od 10 dana od dana prijema ove odluke.

Dostaviti:

1. 01,
2. 02/1x2,
3. arhiva.



DIREKTOR

Dr. Miro Džakula
Dr. Miro Džakula